

Chi niianaa llán nis

Chi gucaa mitii, zicty xunizaa, chií riia lo guiix ne rchagsaa, ne glligllití rioduzdu lo tu jandur ni rní bin naládx. Per biiu tu dxi biab tu nisguiarodux chií bldaatin guiw. Chi bidxindu ro guiw rot rdudzu, chií rapiia lo ra saa: “Gua, gulchoo gduznuu napa rmos laan jandurí”.



Chi bidxingaxdu roo jandur, diza
ngayabelbew na lon ne gampa riubi nis
ziadin, icuxy...!

Chií rní tu saadu:

—Gua, chut guiduzdi lon purc nilapa
guét nan darpent yaannuu llanin, purc rní ra
bin jandur naládx nan. Ra bin rní chi rgaa
laidxi chií rbidxdia tu guidingul llanin
“ichichigueue!”, rbidxdiana.

Per naa rapiia:

—Gua, adguidxibyditu laanuu rac
rbanuu nis, gulchoo gduznuu.

Chií bzulo cazábydu lon itung tung!,
nuudu lon.



Chi riiodu lídx, itung, tung!, nuudu
riiodu lídx lon, per xana guc adgucbédiia
bzinaá cazabiia llanin.

Chií rbídxdía rapiia loralli:
“iGuldagacne naa, guldagacne naa!, nana
yaanaa llán nis, idedei!”.

Diza rgubiia xpía, iéj éj!, tusi chi ríaziia
laanin axta lo yull rdxin niia, diza
nalguíguin, chií runiia juers rcayáyaa
rdxiniia axta lo yán, chií diza golpdux rzíyaa
bi, iuj, uj!, ne diza rguinnaya lo nis pra, pra
zeczapa rguinxíly ra guidy chi lama raty.



Chi binia gan breea lon bisi zub
yanniia rdxagaa, iaj aj!, runia ne rdxibduxaa,
chií rapia lo ra sayiia:

—Gua, ÷xiniia níí adbiadgacneditu
naa? Biana ya meritdó niianaa llán nis.

Chií lagui rllidxneralli naa, “ija, ja,
ja!”, chií rníralli lúa:

—Gua, lii adracdiiu cuau nis, níí
niianuu llanin.

Lagui zii rníralli lúa, per naa diza
racchiichaa rdxibiia ne nayan lantiniqiiia
weepy nis, ne rcaá rcaá ladxaa runaa iu u u!,
ne “cruin, cruin” rac laxtóyaa rdxibin.

Ríi gutaa llani adruriaguezdia lo ra
jandurroo.

